

備此之謂滋味全也。是丹也。雖非大乘之丹。然亦赤洒洒有  
如朱橘圓陀陀宛似。彈丸功夫至此。必須默默照顧綿綿若  
存。否則懷抱不親。易於走失。故當護守隄防。莫放閑焉。學些  
草木收頭法。易所謂以此洗心退藏於密也。復命歸根返本  
原契。所謂白裏真居。方圓徑寸也。選靈地。結道菴。悟元謂靈  
地道菴在人身中。然亦有內外二用。內邊靈地道菴。必求靈  
臺清淨神氣沖和。而以道人心。太平菴結於其中。外邊靈  
地道菴。必求靈山福地。囂塵不擾。而以道人之白雲茆菴。結  
乎其內。如是則心跡雙清。真力瀰滿。鉛中產陽。會之合之道  
成。九轉大還。則聖功了當矣。

道藏輯要

三丰全集

無根樹詞註解

三

續畢集十一

又劉言真一之氣。李言交媾之所。

無根樹花正亨。說到無根。卻有根。三才竅。二五精。天地交時萬  
物生日月交時。寒暑順。男女交時。孕始成。甚分明。說與君。猶恐  
相逢認不真。

劉註先天真靈之寶。具眾理。應萬事。寂然不動。感而遂通天  
下之故。無處有碍。無往不利。是花之亨也。花既亨。是樹雖無  
根而花卻有根。其根爲何根。乃生天生地。生人三才之竅。陰  
陽五行。妙合二五之精。因其是三才之竅。二五之精。先天而  
生乎陰陽。後天而藏於陰陽。一氣分而爲陰陽。陰陽合而成  
一氣。故天地陰陽上下相交。合爲一氣。而萬物生日月陰陽

來往相交合爲一氣而寒暑順男女陰陽彼此相交而孕始成觀於天地日月男女一陰一陽相交方有造化可知性命之道非陰陽相交合一不能完成是一氣者卽性命之根生死之竅有此一竅則陰陽相交而生無此一氣則陰陽相背而死人之生死只在此一氣存亡之間耳但人不知此一氣是何物件存於何處或疑此氣爲呼吸之氣或搬運上升下降於黃庭或聚氣於丹田或聚氣於眉間或聚氣於天谷或聚氣於腦後種種不絕千奇百怪終落空亡殊不知先天真一之氣視之不見聽之不聞搏之不得聖人以實而形虛以有而形無實而有者真陰真陽虛而無者一八兩弦之氣兩

者相形一氣居中凝結成丹此乃虛空中事業何得以有形有象之物猜之又何得以有方有所之竅作之哉仙翁以其人皆不識此一氣故以三才竅二五精示之又以天地日月男女相交示之分明將一氣與人指出偶恐人遇此一氣當面認不真耳悟元斗膽不避罪譴今再爲仙翁傳神寫意分明說與大眾要知先天真一之氣不是別物卽是一點真靈之氣因其此氣剛健中正故謂真一因其此氣易知簡能故謂真靈一真靈真絕無滓質故謂先天之物真一也真靈也同出異名非有兩物不知有人認得真否

李解亨通達也一氣通達卽從下文交字中出來夫花生於

樹樹生於根根生於無是無根卻有根也無根之根即生天生地生人之根此根乃虛無一竅故稱爲三才竅此竅爲交精之所故曰三才竅二五精二五者天五爲一五地十又一五二五即二土也二土合而刀圭成焉泥丸云玄關一竅無人識此是刀圭甚奇絕蓋二五交精之地即產藥之淵源也大修行人於此虛無一竅知其爲交媾之所必能使先天一氣自虛無中來交之爲用大矣哉以故天地交則萬物生日月交則寒暑順男女交則孕始成此皆交媾之證也此其理甚是分明人人易曉卻人人不曉仙師廣大慈悲說與君聽只要在二八相逢之處將兩氣合成一團斯大藥可生也但

道藏輯要

三丰全集

無根樹詞註解

三

續畢集十一

八月八日

恐龍虎相逢吐出兩弦之氣煉丹人認不真耳

又劉言金精開旺李言認取金精

無根樹花正佳對景忘情玩月華金精旺耀眼花莫在園中錯  
揀瓜五金八石皆爲假萬草千方總是差金蝦蟇玉老鴉認得  
真時是作家

悟元註本對景忘情作月月開時

劉註先天靈寶剛健中正純粹精也其花最佳當正佳之時  
如月華開放金精旺盛而人宜玩之不可當面錯過也月月  
開者應時而開非時不開按月定期動靜有常絲毫不爽也  
金精者金之精明在月則謂月華在人則謂真精真精者真